

Sigle: HA1521

Aufbewahrungsort: Staats- und Universitätsbibliothek Hamburg

Signatur: Inc. App. A/106

[AIr,01]¶ ¶ Dit is de frage fun=
te Ancelmi des hylligē
bifchopes: vp dat nyge
ghedrucket to Lubeck
Anno.M.D.XXj.

[AIv,01]¶ ¶ Hyr heuet fick an funte Ancelmus fra=
ge van dem lydende Iefu Chriffti
ANcelmus was eyn hillich man.
He hadde dar lange na geftaen
Dat he gerne hadde geweten
Wat vnfe here hadde befeten
Nu mōge gy hōren wat he dede
He was ftede an finem bede.
Beyde nacht vnde ock den dach
An fineme wenen dat he lach.
He fprack Maria blōyende rofe
Du lylie vnd tzidelofe.
Godes deerne vnd balzamen#fchryn
Laet my hūden werden fchin
Dat du my de rede mochteft fagen
Dat ick dy gherne wolde fragen
Ick wolde nu na deffer ftunt
Hōren van dines fuluen munt.
Wat din kint hadde befeten
Dat wolde ick frouwe gerne weten
Vnde wat Iefu vnsem heren is befcheen
Dat du mit ogen hefft angefeen
Kunde ick frouwe das vorweruen
So wolde ick denne gerne fteruen
[AIr,01]Ancelmus plach des mennich yaer
To deme leften wart fe em openbaer
Dar fe ene an fineme bede vant.

Se fprack to eme altohant
Ancelme fint ick hebbe vornomen
Dorch din beth fo bin ick gekomen
Van dem hemmel hyr to dy.
Nu fegge my wat wult du my
Do Ancelmus dat vornam
Dat Maria to em quam
He wart vorfchrecket do he fe fach
Tohant Maria to em fprack
¶ Ancelme nu en furchte nicht
Laet my de rede fin bericht.
Wor#vmme hefft du my geladen
Nu fprick my to dy fchal nicht fchaden
Ancelmus vyl nedder vp fine knee.
Em was wol vnde ock wee
Eme was leue vnde ock lede
Vyl beuende fprack he fine rede
¶ O Maria du hemmelfche kōningynne
Ick beghere mit alle mineñ finne
Dat ick gerne wolde weten
Wat din fzōne hadde befeten.
[AIIv,01]Wo he tho deme dode fy ghekomen
Wēte yck warliken hebbe vornomē
Alze em de marter erften ghefchach
Dat du nacht vnde dach
Stede wereft by em bleuen
De euangeliften hebben befchreuen
Malck wat he dar hadde gefeen
Men fe dregen nicht ouer#eyn
Se hebben gewefen to vnd van
Dar#vmme weet ick nenen man
De my de waerheyt kan fagen
Van finen yamerliken dagen
De em to#quemen al gemeyne
Wen du leue yunkfrowe alleyne.
Dar#vmme wil ick fragen dy

Eddele yunckfrowe berichte my.
ANcelme du bekõreft my vil fere
Ik wil dy fagē eine mere
De fchalt||u oek al wol vorftaen
Vnde lóuen my oek fun#der waen
Scholde yk dy feggen de grote noet
Dar#van min fone leet den doet
Wo ene de yóden vingen vñ tógen
Vnd fo rechte yamerliken flógen
[AIIIr,01]Scholde ick dat altomale fpreken
Min herte fcholde my tobreken
Dat ick mit minen oghen anfach
Doch dat ick nicht truren mach
Sint dat god min ynnige troeft
My van funden hefft vorloeft
Nu wil ick dy de warheyt gheen
Allent dat ick hebbe ghefeen
MAria erfte
wyl ick dy
fraghen
Ik bydde dy du
my wylleft fagē.
wo yd erfte quā
to pranghe
Dath dyn fzóne
wart geuangen.
¶ Ancelme hõre
wat ick dy faghe
yd fchach an ei=
neñ donredage.
Do he myt finen
yũngeren fath
Leefliken dat he dar mit en ath
[AIIIv,01]He ghaff ene fin flefch vnd fin bloet
Dat he fodder vor vnřz goet
He dede noch meer dorch fine gũte

He woefch ene alle ere vôte
Do he ere vôte hadde gedwagen
Begunde he yamerliken to klagen
He fprack ick fegge yw vorwaer.
He fith mit vnfz hyr in der fchaer
De nu lijflyken mit vnfz eth.
Vnd noch hûten
my vorreth.
We em / he were
dar#v̄m̄e vorlorē
Vele beth were
he vngeboren
MARIA
do deffe
fware wort
Alle de yûngerē
hadden gehort
Slōgen fe oek de
oghen nedder
Edder fpreken fe
dar ychtes wedd'
[AIVr,01]¶ ¶ Ancelme do fe hōreden deffe rede
Ene was yamerliken lede
De eyne fach den anderen an
Ioannes was fo fere begaen
Alze eyn dode was he gefchapen
Vp godes broft wart he entflapen
Se repen alle leue here.
Wife vnfz den rechten drōgenere
Laeth vnfz des
wefen bericht.
Ein iewelk fprak
bin ick des nicht.
Peter fprack mei(=
fter myn
Ick wet wol dat

yck des nycht en

byn

Nūmermeer wil

ick dy affftaen

Ik wil my by dy

laten vaen

Ok ſpreke ick deit

des noet.

[AIVv,01]Ick gae mit dy in den doet

MAria wat ſprack vnfe here

Do ſe vortzage#den aldus fere

Vnde do he deſſe grote wort

Van funte Peter hadde gehort

He ſprack Peter ick fegge dy

Drye werft||u vorſaken my

Eher de hane gyfft finen kraeth

Werft||u feggende mit der vart

Dūre fwerende vnde gheen

Du hebbeft my ny mit ogen gefeen.

MAria do ſe deſſe rede dreuen

Wor was Iudas do gebleuen

Iudas de leep altohant

Dar he de vōrften der yōden vant

He ſprack wat wille gy my geuen

Ick hebbe nu eyn dinck gedreuen

ick wil yw wifen eynen man

Dar gy lange hebben na geftaen

Minen heren Iefum chrift

Do gheuen ſe em mit groter lift

Dertich penninge in ſine hant

He ſprack gy ſcholen ſin bekant

Dat min meyfter Iefus

[AVr,01]Vnde fyn yūnger Iacobus

Sint ſo lyke an eyner bere.

Dat gy kōnen nūmmere

Ere antlaet vnderſcheyden

Dar#vmme fchôle gy beyden
Weme ick kuffe vor finen munt
Den fchôle gy to der#fuluen ftunt
mit harden dingen taften an
Dat is de recht fchuldige man
Liftigē fchôle gy
ene leyden
Dat he nycht vā
yw mōge fcheidē
MAria wor
was dī fō(=)
ne bleuen
Do Iudas dith
hadde dreuen
Min fōne ginck
in eynen garden
Dar heet he fine
yūngerē wardē
He fprack yk wyl
van yw ghaen
[AVv,01]Vnde beden mynen vader an
Gy fchōlen waken vnde beden
Dat gy an nene bekōringe treden
MAria wat weren de bede
De he finem hēmelfchē vad' dede
¶ Ancelme / eme was fo rechte wee
He fath nedder vp fine knee
Vnde fprack. Vader min god
Ick wil voruullen din gebot
Ick bin bedrouet wente an den doet
Van der yamerliken noet
De my hūden is bereyt
Van der quaden yōdefcheyt
Ick bidde dy leue vader min
Mach dat an diner hūlde fin
Dat my de pine vorgae.

Vnde de marter nicht angae
Iodoch vader wo dat fy
Din wille ſchal ſcheen an my
Ick wil de pine nicht entfleen.
Wat du gebedeft dat ſchal ſcheen
MAria dit hebbe ick wol gehort
Berichte my der rede vort
Alze he leeth van fineme bede
[AVIr,01]He ginck al wedder vp de ftede.
Dar he fine yüngere wüfte
Ere eyn lach vp des anderen borfte
Vnde weren yamerliken gefchapen
Van groteme yamer weren fe entflapen
He ſprack to en mit fineme munde
Wo#node dat gy eyne ftunde
Wakeden alzo ick hadde gebeden
Seet Iudas kumpt her#getreden
Eme gheyt nenen flaep an
Mit eyneñ küffe tret he my an.
MAria leue yunkfrouwe nu fegge
Wo brochte Iudas dat to weghe
An der ftunde do dat ſchach.
Alze Iudas minen fone fach.
De yōden ftunden by em harde
Se quemen lopen mit der varde.
Recht alze eyn douendich hunt
Iudas küffede minen fone vor finen mūt
He ſprack / God grôte dy myfter min
Min fone ſprack / dat moet fin
Dat du my aldus ſcholdeft vorraden
De yōden quemen her#waden
Mit külen vnde mit ſcharpen ſperen.
[AVIv,01]Min fone ſprak
wen fōke gy herē
Se ſprekē Iefuz
den fōken wy

He fprak yk bin||t
do vyllen fe
Twye vp de er=
den dale.
Min fōne fprak
toīm driddē male
Sōke gy my / fo
gripet my an
Vnd latet myne
yūngere gaen
Tohāt wart he
anghegrepen.
Vnd yamerliken begunden fe ene to flepē
MAria nu berichte my.
Weren de yūngerē ok alle dar#by
Edder weren fe van dar geaen.
¶ Ancelme dar bleeff nicht eyner ftaen
Se lepen wech vnd wōrden vorueert
Men Peter hadde dar eyn fwert
Dat#fulue toech he dar#vore
[AVIIr,01]Vnd how eynem yōden aff fin ore
Do min fōne dat anfach
He makede ene funt vnde fprak
To funte Peter deffe rede.
Steck dat fwert in fine ftede
We mit dem fwerde wil kyuen
De moet dar#vnder doet bliuen.
Meynft||u wolde ick my weren
Ick wolde my vele beth dar vthfōren.
Vnd behōuede yck to|hūlpe yenniger lūde
Min vader fende my wol behūde
Twelffhundertdufent engel#fchaer
De fcholden my helpen openbaer
MAria ftūndeft||u by em hart
Do Iefus geuangen wart
¶ Ancelme des fchalt||u wefen bericht

Ick en was dar leyder nicht
Ick was finer worden byfter
To funte Iohannes moder miner fufter
Ick was in dat hues gegaen.
Dar#vmme fo wufte ick dar nicht van
MAria wufteft||u dar nicht van
Wo leeth men dy dat vorftaen
Hôre nu yamerlike noet
[AVIIv,01]Wo fachte men my dat entboet
De yûngeren quemen her#gelopen
Schryende weynende vnde ropen
Malck de reep vth fineme munde
Owe der yamerliken ftunde
Dat wy worden ye geboren.
Maria nu is dat alle verloren.
De yôden hebben an deffen ftunden
Din kint gefangen vnde gebunden
Leyder des en weet vnfer neen.
Wor fe mit em henne#theen.
De waerheyt kône wy dy nicht sagen
Effe fe ene hebbē doet geflagen
Se tôghen ene also eynen deeff.
Wy weten nicht wor dat he bleeff.
MAria was dy do nicht lede
Alze du horedeft deffe rede
¶ Ancelme dat môchteft||u wol prôuen.
Efft ick my nicht mochte bedôuen.
Min herte wolde my tobreken
Mine munt kunde nicht meer fpreken.
Ick kunde noch hōren edder feen
Nicht wolden my dregen mine been
Vnde do worden oek vullēbracht de wort
[AVIIIr,01]De ick van Symeon hadde gehort
Do ick na deme olden fede.
Min kint brochte to der kerken mede
Vnde ick in de kerken gynck

Simeon min kint entfinck
An sine armen vnde sprack
Maria du leueft noch den dach
Dat van yamer vnde van fmerte
Snyt eyn fwert dorch din herte.
¶ Ancelme dat was do gefcheen
Alze ick den kummer hadde gefeen.
Do quam al|to der#fuluen ftunt
Eyn fwert an mines herten grunt
MAria wat ledeft||u dan.
En woldeft||u nicht na em gaen
Alze ick deffe fware wort.
Van den yūngeren hadde gehort
Ick vnde Maria magdalene
Lepen in der ftunt alleyne.
Beth dat wy an de ftede quemen.
Dar wy minen fōne vornemen
MAria berichte my de rede
Was dat an der#fuluen ftede
Dar he des auendes hadde gefeten
[AVIIIv,01]Vnd mit finen yūngeren ghegeten.
¶ Ancelme hōre dat fchalt||u weten
Eyn de was Annas geheten.
In fin huefz wart he gebracht
Dar bleeff he de lange nacht
Dar frageden fē ene na finer lere
Vnde efft he godes fōne were
He sprack wat is dat gy my fraget.
Ick hebbe dat openbaer gefaget
Nycht hemelyck
weren de wort.
Mennich heft fē
van my gehort
Se wetē||t wol gy
mōgen fē fragen
Se mōgē yw de

waerheyt fagen.

MAria nw

wil ick dy

fraghen

Wart he vā An(=)

nas icht geflagē.

¶ Ancelme des

wes du bericht

[BIr,01]By em ftunt eyn bōze wucht

Vnde sprack / bift||u eyn dore

Vnde floech min kint an fin ore.

Schalt||u dem bisschoppe fo to#spreken

Ick wil hūten an dy dat wreken.

Min fone fach den yōden an

Efft ick nicht arges gesprochen han

Wor#vmme fleyft||u my dan

Maria nu fegge my vordan

Wat warth em

nu meer to leyde

ghedaen

Se dedē em gro=

ten vngeuoech

Se nemen einen

fnōden doek

Vnd bñnde<n> em

fine ogen to.

De nacht bet an

den morgen fro

Dat he mith den

ogē nicht en fach.

Vnd geheuen em

mennigen flach

[BIv,01]Wen fe ene hadden geflagen

So spreken fe / du schalt vnz fagen

Efft du eyn rechte prophete byft.

Van weñ du geflagen fyft

Deffer fmaheyt der was vele
Se dreuen mit em ere fpele
MAria wereft||u dar oek by
Dar fe ene flōgen / dat fegge my.
¶ Hōre my wat ick dy fage
Wo rechte yamerlike klage
Ick was in dat huez gekomen
Do dat de yōden hadden vornomen
Se leten my ftōten vth der dōre
Dar vant ick alleyne vōre
Marien magdalenen
Schryen vnde wenen
Se fprack. O were ick dar ynne
Maria reyne kōningynne
Wy vūnden eyn hol in der dōre.
Tohant lepen wy dar#vōre
Vn#de fegen alle de noet
De men mineme fone boet.
MAria leue kōningynne
Was dar nemant mit em ynne
[BIr,01]Ioannes was dar#yn gekomen.
Vnde hadde Petrum mit fick genomen.
Do de frouwe Petrum fach
De de dōre to fluten plach
Se fprack / du bift der yūngeren eyn.
Ick hebbe dy wol by em gefeen
Tohant wart he vortzaget
Vnde fprack / ick bin des nicht maget
He gynck by dat vūre ftaen
Tohant quam dar eyn ander gaen
Vnd fprack to em de#fuluen rede
Peter fprack / ick was dar nicht mede
To dem drūdden male grōtede em eyn
He fwoer he hadde ene ny gefeen
MAria wat dede vnfe here
Do Peter en vorfakede aldus fere.

Do he van Peter dit anfach
Min fone ene tohant anfach.
Der hanen#kraet wart gehort
Aldo dachte Peter an de wort
De he van em hadde gehort
Do fe tofamen hadden gegeten.
Dat he finer fcholde vorfaken
Vnde do he dachte vp de mere
[BIIv,01]He wart fchryen#de alzo fere
Van rouwen leep he vth der dôre
Vnd vant my yamerliken dar#vor
Elendichlick vp der fraten lopen
Schryen wenende vnde ropen
Vnde do my Peter angefach
He wart fchryende vnde fprack.
Owee herte#leue frouwe
Den groten yamer den ick fchouwe
Van dyneme le=
uen kynde.
He is der gantzē
werlt to fwynde.
To vullen kā yk
dy nicht fagen.
Wo ene de yōdē
hebben geflagen
Do leep peter vā
my. Vnd^r eynen
fteen vñ hōde fik
MAria laeth
my verftā
Wat leyt warth
em meer gedaen
[BIIIr,01]Hōre wat dar vort gefchach
Des morgens do vpgynck de dach.
Annas <h>adde ene de halue nacht
Te wart vort to Caiphas gebracht.

Alze men ene vp de fraten toech
Wo fere dat ick to em floech
Vnde do ick sin antlaet anfach
Leuede ick ny leyder dach.
Sine hare weren eme vthghetogen
Blödich weren em sine ogen
Sin antlaet was em gewunt
Dat bloet leep ouer finen munt
Sine neze was em toftöt
Sine wangen weren em beblöt.
He was lykerwifz gedaen
Alzo eyn vthfettifch man
Vmme finen halfz ick ene greep
Luder ftemmen dat ick reep.
Owe herte#leue fone.
Wor is nū de grote schöne
Dar ick my to to frōuwen plach
Wen ick din antlaet angefach
Iodute we vnd wapen
Wo yamerliken bift||u gefchapien
[BIIIv,01]Du bift alzo eyn deeff vorblint
Owe herte#leue kint.
Ach wat yamers ick do dreeff
So men ene treckede alze eyenen deeff.
MAria nu berichte my
Do de yōden aldus van dy
Sulken groten yamer fegen
Wolden fe dat wol vordregen
ANcelme / dat fchal dy entfarmen.
Se grepen my by minen armen
Vnde tōgen my van mineme fone
Se fpreden my fo vele to hone
Se fchōuen my hyr vnd dar
Vnde fpreden dat al openbaer
Ick wolde noch fo lange prangen
Ick fcholde noch fuluen by em hangen

Dat volck quam tofāmende gaen
Recht efft men ene ſcholde han
MAria haddeft||u nicht iennigē troeft
Dat he fick ychtes hadde geloeft
¶ Ancelme / dat ſchalt||u weten
Welken troeft ick hadde befeten
Ick hadde vp ſine wiſe wort.
Wen de yōden hadden gehort.
[BIVr,01]Dat he mit finen wifen reden
Van den yōden ſcholde treden
Vnde do he manck dat volck quam
Stunt he recht alze eyn lam.
Em gynck neen wort vth fineme munde.
Recht effte he nicht ſpreken kunde
MAria nu berichte my
Was yennige hōpen meer by dy
¶ Ancelme du ſchalt ſin bericht.
De hōpene halp my leyder nicht
Ick hopede dat min leue ſone
De ſo kleenlick was vnde ſo ſchone
Vnde ſo rechte wunnichlick.
Sin antlaet was ſo fuuerlick.
Wen ſe dat hadden angefeen
So hadde em nicht quades gefcheen.
Vnde dat ſe fick finer ſcholden entfarmē /
Men do hadden de vnfaligen armen.
Sin benedyede antlaet ſo ſere toſlagen.
Alzo dat yd van yamerliken plagen.
Was vorwandelt alzo ſere
Recht efft he vthfettifch were.
MAria wat ſchult geuē em de yōdē /
Dar#vme dat ſe ene woldē dōden
[BIVv,01]¶ Ancelme hore
wat ick dy ſaghe
Wo ſe begundē
ere klage.

Se fpreken Cay(=)
phas leue here
Wy bringen hyr
eynen drōgenere.
Van eme fuluen
hōrden wy fprekē
Wo he den tem=
pel wil thobreken
Vnde wen he en
hadde nedderge=
braken
So wolde he ene wedder#maken
Bynnen dren dagen alze he was
Do fprack to eme Cayphas
Bift du Chriftus dat fegge my
Min fone fprack / al fede ick dat dy
So wult||u my doch nicht lōuen
Men gy fchōlen noch alle prōuen
Dat de hemmel fchal open#ftaen
Vnde feen mit yuwen ogen an
[BVr,01] So fchōle gy feen des minfchen fone
By fineme vader in deme throne
Sitten to der vōrderen hant.
So fchal yw wefen bekant
Alze Caiphas dit hōrde vnde fach.
He tofneet fin kleyt vnde fprach
Wat behōue wy tūge meer
He is eyn recht drōgenere
Wat wille gy mit em begaen
Se repē alle mē
fchal ene an eyn
crūce flaen
Do ick hōrde def(=)
fe rede
My was fō ya=
merliken lede

Dat van yamer

vnde fmerte

Sneet ein fwert

al dôr min herte

¶ Do du dit den(=)

ne hadeft gehort

Wat iamers de#de fe

em do vort.

[BVv,01]Tohant do fe dit hadden gedreuen

Vnde Cayphas dat ordel hadde gegeuen

Dat men ene fcholde dôden.

Tohant tōgen ene de yōden.

To Pilatus vor dat richte

Aldar repen dy vyl bozen wichte

Pilatus leue here.

Wy bringen dy eynen drogenere

Nu hōre wat he hefft gedreuen

He fprack men fchal den cinfz nicht geuen

deme keyzer / dat hefft he gefaget

Leue pylate dat fy dy geklaget

MAria nu wil ick dy fragen

Ick bidde dat du my willeft fagen

Do Iefus vor Pilatus quam

Weren em alle de yōden gram.

Effte was dar yennich mede

De dar recht gaff finen reden.

¶ Ancelme / dat wil ick dy feggen

Wo dar vele yōden deden

Welkeren he mannich fchone teken

Hadde gedaen by eren feken.

He leeth ere lamen gaen

He leeth ere doden vpftaen

[BVIr,01]Vnd ere blinden leeth he feen.

Lōue my dar was erer neen

Se repen alle gemeyne

Beyde groet vnde kleyne

Men ſchal Iefum an eyn cruce flaen.
He hefft vnſz noech to leyde gedaen.
Wo lange ſchal de tuffcher leuen
Dat was de troeft den ſe em geuen
MAria do ene Pilatus ſach
Wat is dat he to em ſprack.
¶ Ancelme / dat wil ick dy fagen
Pylatus begunde em to fragen
Na fineme rike / vnde wol he were
Do|ſprack to em vnſze here
Pylate / du ſchalt ſin bericht
Min rike is van deffer erden nicht
Meynft||u were min rike hyr
Mine dener ſcholden wol ftriden vor my
Vnde lózen my van diner hant
Pylatus ſprack / ick bin bekant
Vnde proue wol an diner bere
Dat du biſt eyn kōninck vnde eyn here
Min ſone antworde / ick hōre van dy
Du ſprekeſt dat ick eyn kōninck ſy
[BVIv,01]Ick bin in deffe werlt gekomen
Vnde hebbe de minſcheyt angenomen.
Dat ick in der waerheyt ſy
Pilatus ſprack berichte my
Wat is de waerheyt / do fwech myn ſone.
Vnde hadde ſines mundes ſchone
MAria berichte my de rede.
Wor#vmme din ſone dat dede
Vnde dat du my woldeſt fagen
Do Pylatus wolde fragen
Dat he em de warheyt nicht wolde fagen
¶ Ancelme dat ſy dy gefaget.
He hadde ſo grote rede gefraget
Hadde min ſone ene bericht
So en were he gedōdet nicht
So hadde ene nene noet dar#to gedreuen

So were oek de minfcheyt verloren bleuē
He wolde dorch des minfchen willen
Gherne fine rede stillen.
MAria do dit was gefcheen
Segge wat hefft||u meer gefeen
Pilatus fprack to den yōden
Wor#vme wille gy deffen minfchē dōden.
Nene fchult mōge gy em gheuen.
[BVIIr,01]Dar#vmme latet ene leuen
Do repen de yōden alto#male
Mit eyneñ mennichliken grale.
He hefft dat lant al dōrghetogen
Vnde hefft des volkes vele bedrogen
Van Galilea wente her
He is eyn recht drōgener
Do Pylatus dat vornam
Dat he van Galilea quam
To Herodes he ene fande.
De was eyn richter van deme lande.
Se kyueden beth an de tyd
Do wart vorfonet ere fryd.
MAria berichte my de rede
Wat Herodes mit em dede
Alze Herodes ene fach
Do fchach em ny fo leuen dach
He hōrede van eme fagen
Dar#vmme begunde he em to fragen
Efft he were de#fulue man
De Lazarum van dem dode leet vpftan
He fragede effte he dat were
Dar#vmme fin vader ouer mennich yar
Hadde de kinder geflagen doet.
[BVIIv,01]Hōre wat he em boet
He fprack / wult du my eyn teken wyzen
Ick wil dy deger dar#an prizen
Vnd wil dy helpen van den yōden

Vp dat fe dy nicht laten dôden
Min fone fwech to aller ftunt.
He dede ny vp finen munt.
¶ Do din leue kynt dit hadde vorfwegen
Wolde herodes dat wol v' dregē. Herodes
fragede do nicht
mere. Mē he be=
fchimpede minē
fone gar fere.
Eyn wit kleet tō(=
gen fe em an.
He fprak fe fchol(=
dē wedder gaen
Tho Pilato erē
heren. Myt <e>rn
wolde he fick ni=
cht beweren.
MAria nu
wolde ick
gerne weten
[BVIIIr,01] Wat he meer hadde befeten
Do he van Herodes quam
vnd he nene fchult an em vornam.
Alze Pilatus ene fâch
Van torne he to den yôden fprak.
Kome gy echter mit defferm manne
Den ick to Herodes fânde.
Wille gy dat wy ene quit geuen.
Vnde laten ene leuen
Men plecht doch eynen gefangen man
Dorch den paffchen laten gaen
Nu latet em der hochtyd neten.
Vnde latet ene gaen dat wil ick heten.
Se repen mē fchal ene an eyn cruce flaen
Vnde laten Barrabam gaen
MAria nu laet my vorftaen

Wat hadde Barrabas gedaen
¶ Barrabas hadde mennich yaer
De lude vormordet openbaer.
He was mit eyneme morde begrepen
Dar#vmme fcholde men ene flepen
vnde van dem liue hebben gedaen.
Den leten fe do <q>uyt gaen
Owe ouer de bozen yoden
[BVIIIv,01]Worvmme wolden fe ene doden.
Vnde den fchuldigen laten gaen
MAria wat wart dar meer begaen
Hore wo dat vort gefchach
Pylatus to den yoden fprack
Sy feen wol dat ick nene fchult.
An em vinde / dar#vmme hebbet dult
Ick wil ene laten fere flaen
Vnd late ene wech#gaen. Ick nene fchult
an em kan vindē
Tohant leeth he
minē fone bindē.
Vmme eyne fule
vñ leeth ene flaen
Dar#to ghyngen
twe ftarke man
Wen de twe we=
rē mōde geflagen
Quemen dar an(=)
der her#ghetagen
De flōgen fo fwa(=)
re flage
Dat van yamer(=)
liker plage
[CIr,01]Van dem houe#de beth an de been
Ick nicht heels kunde feen.
Se deden em meer to torne.
Eyne krone makeden fe van dorne

Alze fe ene fere hadden geflagen
De druckeden fe eme vp fine bragen
Pylatus brochte ene manck den yóden.
He fprack / wy willen ene nicht dóden
Ick hebbe em genoch to leyde gedaen.
Mē fchal ene hā(=)
gen / repen fe al.
Dit fint thomale
klegelike wort.
MAria nu
berichthe
my vort
Wo fe dat recht
mit em heeldē
Vnd dath ordel
ouer em geuen
¶ancelme mer=
ke dit wol rechte.
Pylatus rep her
fine knechte.
[CIv,01]Se fcholden de ftat al vmme#lopen.
Vnd dat volck tohope ropen
Se repen lude gaet hyr#her
Vnde nemet yuwes rechtes waer.
Se quemen lopende al gemeyne
Beyde groet vnd kleyne
Se gyngen alle vor dat rechte ftaen
Pylatus fprack nu nemet den man
Se repen alle / men ene hangen fchal.
He hefft vnŷ genoch to leyde gedaen
Do Pylatus daz vornam
Dat dat volck lopen quam
Vnde wolden Iefum dóden.
He woefch de hende vñ fprack to dē yodē.
Ick wil wezen fines blodes
Vnfchuldych / vnde fines dodes.

Se repen fin bloet fchal ane waen
Vp vnfz vnde vp vnfe kindere gaen
Pylatus dede der yoden willen.
Wente he fe nicht kunde ffillen.
He gaff dat ordel ouer em
He fprack nu flepet ene hen
Nu gy ene willen haen
So latet Barrabas loefz gaen.
[CIIr,01]MAria fegge my wat fe dreuen
Do dat ordel was gegeuen.
¶ He moſte fin cruce fuluen dregen.
Dat was fo groet vnd vnuorwegen
Dat he dat nicht dregen kunde
Se nemen eynen man to der#fuluē ftūde
De man help dregen dat cruce vorware.
De kind^r wōrpen ene mit dreck vnde hare
Etlike frowē wenedē fere. Do fprack to en
vnfe here.
Wat gae gy we(=)
nende ouer my
Weneth dar yd
wenēdes noet fy
Ouer yuwe kyn(=)
dere des is noet
De my de grote
fmaheyt doet
Tohant tōghen
ene de yoden.
Dar fe ene wol=
den dōden
To caluarie vp
de ftede.
[CIIv,01]Dar fe em den doet an#deden
MAria wo wart em gedaen
Alze fe ene woldē an eī cruce flaen
H<ō>re nu yamerlike rede

Wo fe mineme leuen kynde deden
Ick fach mit minen ogen
Wo fe eme fine kledere vthtogen.
Dar#mede was grote welde
Se dobbelden wol den rock beheelde
Groet yamer was my kunt.
Alze ick to der#fuluen ftunt.
ene fo yamerliken naket anfach
Do leuede ick ny fo leyden dach.
Min herte kunde des nicht liden
Ick bant eme vmme fine fiden.
Van mineṁ hōuede eyenen dock
Dat crūce dat he fuluen droech
Wōrpen fe dar nedder
Vnde nemen minen fone wedder
Vnde wōrpen ene vp dat crūce dale
Dre neghele hadden fe van ftale
De weren ftump vnd vnbehende
Se flōgen twe dōr fine hende
Mit fo groten hamerflegen.
[CIIIr,01]Hōre wat ick dy
nu wil feggen
Alze he|by dē ar(=)
mē was gehāgē.
Sine vōte kūdē
nicht aflanghen
Vnd kūdē nycht
to den hōlē rekē.
Dar de neghele
fcholden fteken.
Se bündē eī feel
vmme fine bene
Vñ begūdē dar
to theende
So fere dat em
de hende retē. Vñ fchalt oek vorwar wetē

Eṁ knakeden alle fine leden
Oek fneterden em fine thenen.
Sine tunge in fineme munde
Do quam an der#fuluen ftunde
Symeonis fwert al dôr min herte.
Van der yamerliken fmerte
MAria dit fint fware rede.
Segge my wat mē em meer dede
[CIIIv,01]¶ Se richteden vp mit groter noet
Dat cruce was fware vnde groet
Dat fe dat nicht boren en kunden
Dar moften meer lude to komen
Alze fe dat hadden vpgericht
Do en kunde ick leyder nicht
Mines fones vôte aflangen
Wente he was to hoech vpgehangen
By dem cruce dat ick foet
Vth finen wun=
den quam dath
rode bloet
Langes dat cruce(=
ce nedder#fleten.
Vnde wolde vp
de erden gheten.
Do dat mi#e ogē
fegen an.
Dat fin blot dar
nedder#ran
Tohāt was yck
dar bereyt
Vn leet dat lopē
vp min kleyt
[CIVr,01]vnde leet yd lopen in minen fchoet
Do wōrden mine kleyder roet
De to#voren wit weren gewefen
Wol my fach dem mochte grefen.

So yamerliken was ick belopen
Mit fines hilligen blodes dropen
MAria wat deden fe meer vordan
Alze fe dit al hadden gedaen
¶ Hóre nu yamerlike rede
Wo vele men eme to leyde dede
Twe môrdere weren dar gefangen.
Twiffchen den hadden fe ene gehangen.
Se fpreken ere fnóden rede
He mochte nicht wezen mit frede
Vnd de dar was to der luchteren hant
He fprack to em / bift||u gefant
Hyr nedder van dem ôuerften throne.
bift||u des leuendigen godes fone.
So make dy gefunt vnde vnfz dar#mede
Do antworde em vp fine rede
De ander Scheker mit der vart
De to der vórdere hant gehangen wart
Sprack / hefft||u nene vaer
Sint dat wy fint openbaer
[CIVv,01]Vp mort gegrepen vnd gefangen
Vnde an deffe galgen gehangen
God móchte dat an vnfz wreken.
Wes wult||u de rede fpreken.
Vnfchuldich is he hyr#gekomen
Neen quaet is dar van eme vornomen
He fprack / here leue here.
Wen du kumpft in dines vaders ere.
So vorbarme dy ouer my
Min fone fprack / ick fegge dy
Húten fchalt||u al funder pyn.
Mit my in den fróuden fin.
Merket dit kynder yunck vnde olt
De funde is nicht fo mennichfolt
God wil vnfz gerne to gnaden entfaen
Wille wy gantze trouwe han

MARIA dit hebbe ick wol gehort
Berichte my de rede vort
¶ Ancelme hōre wat fe mit em dreuen.
In den breeff hadde Pilatus gefchreuen
De fchult de eme de yōden geuen
Iefus eyn kōninck der yōden
Dar#vmme laten fe ene dōden
Alze de yōden dat vornemen
[CVr,01]To Pylato fe haftigen quemen
fe fpreken. Pylate wy biddē dy.
Schriff nicht dat he vnfe kōninck fy
Men fchriff he hebbe gefproken
He were ein kōninck / dat hebbē wy wrokē
Pylatus fprack id is gebleuen.
Wat ick fchreeff dat is gefchreuen
He leeth ene negelen bouen fin hōuet
Vp dat yd wōrde geprōuet
Wor#vmme dat ene de yōden
So yamerliken leten dōden
MARIA berichte my wat fe dreuen
Alze de breeff was gefchreuen.
¶ De yōden gyngen vor em ftaen
Vñ repē ene aldus an. Bift||u Chrif⁹ go=
des fone Vp de erdē komē vā dem throne
So ftige van dem crūce nedder.
So wylle wy dy lōuen wedder
Alze fe dit haddē gedā. Reep min fone fi=
nē vader an. Dat he en wolde vorgeuen.
Wente fe wūften nicht wat fe deden
MARIA nu wolde yk gerne weten.
Wor#vme hadde dy dī fone v⁹getē.
Dat he dy nicht to en fprack
[CVv,01]Alze he dy fo yamerliken fach
¶ Ancelme dat fchalt||u vorftaen
Eñ wart fo vele to leyde gedaen.
He kunde hebben nene ftunde

Dat he my rechte to#fpreken kunde
Men do he my fach vor fick ftaen
Vnd ick was fo yamerliken gedaen
Vnde was bedropen mit dem blode.
He fprack my to mit fachtein mode
Maria leue moder myn
Du fchalt vaft in dem louen fin
Du fchalt nicht werden vortzaget
Wente du wereft eyne reyne maget
Do ick va dem hemel qua Vn de mifcheit
va dy na Va dem hilligen|geyfte entfage.
Al bin ick nu hyr gehangen
Ick bin doch fchepper vnde god.
Ick bin van dinein liue vdet
Min moder bift||u vn ick din fone
Min vater is in dem throne.
Dar#vmme denke an mine fmerte
Vnde hebbe eyn ftede herte.
Du en fchaft nenen twiuel han
Ick wil dy nicht vorderuen laen
[CVIr,01]MAria fegge my wo dy was
Do he dy fo guden troeft gaff.
Vnde do du dit haddeft gehort
Geueft||u em yennige wedder#wort
¶ Ancelme hore wat mochte ick fpreken
Min herte wolde my tobreken
Ick fprak here leue fone. Hebbe dier mod' fchone
Vn laet my fteruen mit dy
Min leue kynt denke an my
Vnd laet my doch by dy
Wes wult||u my lenger fparen.
Laet my mit dy van hennen varen.
Schal ick fone diner entberen
To weme fchal ick my denne keren.
Min leue fone vorbarme dy
Vnde laet des geneten my

Du hefft mine brūfte gefogen
Ick hebbe dy leefliken vpgetogen
Du wereft yo min leyt#vordriff
Wat ſchal ick vele ick arme wyff
My alleyne fo fere quelen.
Wem̄ wult||u ſone my beuelen
Ancelme / ick dreeff fo yamerlike plage
Vele meer wen ick dy kan ſagen.
[CVIv,01]MAria nu fegge wat din ſone ſprak
Do he dy fo drōuich ſach
Des ſhalt||u berichten my
Weme hadde he beuelen dy
¶ Ancelme / des wes du bericht
He leet my vnbewaret nicht
Nu machft||u hōren wo he ſprak
Do he Ioannem by fick ſach
He ſprak leue moder min
Ioannes ſchal din ſone ſin
Ick en|kan nicht lenger by dy bliuen
De doet wil my vordriuen
Oek ſhalt||u nenen twiuel han
Ick wil dy nicht vorderuen laen
Ick late dy nicht vnderwegen
Wēte du hefft my vp dē armen gedregen
Mine moder biſt||u vnd ick din ſone.
Du ſhalt in dem ouerſten throne
Sitten to miner vōrderen hant
He ſprak Ioannes nu wes bekant
Vnde denke dat ick nenen man
Alzo rechte leeff gewā. Maria ſchal dyne
moder ſin. Nu nim ſe an de hōde din
Wol ſhalt||u ſe my bewaren
[CVIIr,01]Ick moet nu van hennen varen
Men leue Ioannes ſtae er by
Rechte alze ick truwe dy
Vnde ghyff er yo guden troeft.

Se fchal drade werden vorloeft
Hyr#mede he fick van vnfz wende
Vnde gaff finen reden eynen ende
MAria dit hebbe ick wol vorftaen.
Nu fegge wat wart dar meer dan
¶ Hôre nu eyne yamerlike klage.
yd was by deme middage
De funne vorloefz eren fchin
Do reep de leue fone min
Mit lud^r ftēmē Hely hely lamazabatani.
Dat is min vader vnde min god
Min leue vader vmme wat.
Hefft||u my fo fere vorlaten
Dat was den yôden vordraten
Vnde gyngen alle vor em ftaen.
Se fpreken / he rôpt Helyas an
Nu laet feen wat Helias dôge
Effte he ene vnfz ycht nemen môge
My dôrftet fprack min fone do
Des weren alle de yôden fro.
[CVIIv,01]Dat was en wol
beuallen.
Etick mengeden
fe mit gallen
Vñ rekedē em to
fineme munde
He fprack al to d^r(=)
fuluen ftunde
Alze he den drāk
hadde befocht
Nu ys dath alle
vullenbracht
Do negede he fin
hōuet dale
He fprak vad^r yk beuele.
Minē geyft in de hēde dyn

Dar#mede voer van hyr de fele fin
MAria weft||u dar nicht aff.
Do din fone den geyft vpgaff
Effe he yennich teken dede.
¶ Ancelme høre dat fchalt||u merken.
Dar henck eyn laken in der kerken.
Dat tofpleet vnde vyl dar nedder
Vnde de doden lude quemen wedder.
[CVIIIr,01]De gheftoruen weren ouer mennich yaer
Gyngen in der ftat al openbaer
Vnde de erde beuede / vnde de fteyne
De reten alle gemeyne
MAria nu laet my vorftaen.
Wat leydes wart|em meer gedan
¶ Høre nu yamerlike wort
Wo de yoden deden vort
To Pilatum dat fe treden
Sere dat fe ene beden
Dat he en de doden lude gheue
Dat men de bringen mochte to graue.
Vp dat fe in eyem paffche#dage
Nenen yamer anfeghen
Pylatus antworde to eren reden
He ghunde en wol dat fe dat deden
Alze quemen de yoden her#theen
vnd breken den morden ere been
Men der ridderen quam dar eyn
Geheten Longinus de was blint
Vnde fack min herte#leue kint
Mit eyem fpere dorch fin herte
Ick fprack mit yamerliker fmerte.
Wor#vmme dryue gy deffe noet.
[CVIIIv,01]He was doch leyder al doet
Wat is yd dat gy an em wreken
Dat gy em dorch fin herte fteken.
Wille gy em to leyde doen meer.

So langet her yw ſpeer.
Vnde dôdet de moder mit deme kynde.
So hebbe gy gedôdet alle ſin gefinde
¶ Ancelme dit ſchriff in dinen breeff
Dat was de yamer den ick dreeff
MAria dat
hebbe yck
wol gehort
Wult du my be=
richten vort
Wo he fy vā dē
crûce genomen
Vnde the graue
gekomen.
¶ Ancelme. hōre
dat ſchalt||u wetē.
Eyn de was Io=
ſeph geheten.
De was eyn got(=
fruchtich man
[Dlr,01]Vnd was to Pilatus gegaen.
He ſprack. Pylate leue here
Ick bidde dy fo rechte fere
Dat wy Iefum grauē môtē. Dat fine le=
ue mod^r erē yamer vorgete. Dē yamer vñ
herteleyt Is fo groet den ſe begeyt.
Se driff^t fo klegelike noet
Wert he nicht begrauen ſe ſteruet doet.
Pylato dem wūderde fere. Eft he alreide doet were
He ſprak he ſcolde orlof hauē
Dat he ene mochte begrauen.
Do em dat orloff was gegeuen
Segge wo ſe er dinck do angrepen
ANcelme dat ſchal dy entfarnen
Iofeph ſteech vp to ſinen armen
Eynen hamer hadde he in finer hant

Dar he de neghele mede vth#want
Se weren ftump vnd dar#to groet.
He toech fē vth mit groter noet.
Vnde do ick dat anfach mit minen ogen.
Dat de negele weren vthgetogen.
Vnde he wolde dar nedder#gliden
Do greep ick ene vmme fine fiden
Vnd voer em vor finen munt.
[DIv,01]Noch meer wan
to dufent ftūt
Do fine vôte we(=
rē loefz. Wo dra(=
de dat yck de er=
de koefz. Ik lede
en ī minē schoet.
Sin lyf was em
vā blode roet
Ick dreeff fo ya=
merlike noet /
Vā ruwē moch(=
te ick fteruē doet
Ick fprack herte(=
leue fone
Wor is nu dine grote fchōne. Der yck my
to frōwēde plach. Owe dē mōrtlyken dach
Dat ick dē fcholde leuē.
Nu moet ick troftes entberen.
MAria nu fcholde yk fin bericht.
Mōyeden fick de yūngeren nicht
Ancelme alzo rechte fere. Se haddē noch
la<e>t edd' bere. Anxftes werē fē all vul. Vā
fruchtē werē fē dul. Ioānes quā gelopen.
[DIIr,01]So rechte yamerlikē ropē. Vñ vyl em vp
de bruft. Dar he ene va<r>ē hadde ghekuft.
He fprak O herte#leue here. Owe nu vnde
yūmermere. Wo yamerlikē bift||u gefcapē

To auēde do yk wart entflapē Vp dyner
borft do gaf din herte Sôtē drāk nu gyffe
yd fmerte. Peter dreef fo grote noet. Vnd
reep O here were ick doet. O leue here vor(=
gyff my. Dat yk hebbe vorfaket dy.

Maria magdalena quā. Vmē finē halfz
fē ene nam. Se ſprak Owe leue here. Dyt
vorwinne ick nūmermere. Wat ſchal yck
nu lenger leuē. We ſchal my mine funde
vorgeuē. So du here hefft gedaen. De yū(=
gerē quemē alle gegaen. Se dreuē yamer
vñ klagedē fere. Vñ ſprekē Owe leue here
Wes fint wy vnderwegen bleuen.

De yōden laten vnfz doch nicht leuen

¶ Ancelme den yamer den fē dreuen
Den vint men nicht halff befchreuen

MAria deſſe fware wort

De ick van dy hebbe gehort

En hōrede ick ne mine dage

Berichte my wes ick dy frage.

[DIIv,01]Haddeft||u yenni(=)

ge noet befeten

Do mē ene gr<ō>ff

dat wil ick wetē

¶ Ancelme dath

ſchalt||u vorftaen

De grothe noeth

ftōt my an

Do fē ene grauē

woldē. Ik ſprack

ick wolde ene be=

holdē. Vnd doet

by eme bliuen

Se ſcholden my

by em entliuen

Eher he my wōrde genomen.

He were my fo nicht angekomen
Alze Ioannes dat vornam
Vil drade he to my quam
Vnd sprack. Maria ick bidde dy
Dat du willeft fteden my.
To grauende minen heren
Wy mōten finer leyder entberen
Oek weft||u dat wol beth wen ick.
[DIIIr,01]Dat he fuluen wolde fick
An deffeme dage laten dōden
Iamerliken van den yōden.
Oek weft||u wol dat he wil vpftaen
Vnde wil vnfz nicht vorderuen laen
Hyr#vmme laet vnfz ene begrauen
Vp dat he vnfz nicht werde genamen
MAria nu laet vnfz wezen bericht
Antwortdef||u Ioannes nicht
¶ Ick antworde em vp deffe rede
Vnd sprack / wor#vmme bift||u my to lede.
Ioannes laet de rede bliuen
Vnde laet my minen kummer driuen.
My is doch genoch to leyde gedaen
Du machft my wol to#freden laen
Oek quemen alle de yūngeren her
Vnde beden my fo rechte feer
Alzo dat ick to dem lesten orloff gaff
Dat fe ene leden in dat graff.
Vnde do he in dem graue lach
Ik gynnk to en vñ sprak. Gy herē latet yw entfarnen.
Vñ grauēt my vyl armen
By min kint dat is my noet
Ick fterue doch van ruwen doet
[DIVr,01]Do dit was ouer#lāck Se tōgē|my an mi#nen danck
Vth dem graue ane were
Do wenede ick fo rechte fere
Se wolterden den fteyn bouen fin lyff

Aldo fprack ick vyl arme wyff.
Latet my ene noch eyns feen. Eer dat de
grote fware fteē / Werde vp mī k<ī>t gelecht
Anderwerff leep ick echt
Vp dat graff do fach ick finer nicht.
Wēte dat was leyder al bericht
MAria nu berichte my
Wo lange bleueft||u dar#by
Dar din fone gegraven wart
Vortōgeft||u finer mit der vart
¶ Ancelme hōre wat ick do dede
Ick gynck liggen vp de ftede
Dar min fone vnder lach.
Vyl yamerliken dat ick fprach
Gy heren ick bidde yw al#gemeyne.
Dat gy my laten alleyne
Vp mines kindes graue bliuen
Vnde laten my minen kummer driuen
Ick wil wenen vnde fchryen
Des wil ick nicht vortyen
[DIVv,01]Ick fy denne ge=
ftoruen doet
Do tōgen fe my
mit der noet
So yamerlikē in
de ftat
Got wet wol wat
ick befath
Mine kleyd^t we=
rē vā blode roet
Dat dar vā dem
crūce floet
Vnde do my dat
volck anfach
Dat meyfte deel
d^t frowē fprak. O milde god vā hēmelrike.

Nu wert fo groet vngelike
Vornomen in deffem lande.
Alzo by deffem yungen manne
Vnde by deffer frouwen is gefcheen.
Newerle wart de kummer gefeen.
¶ Ancelme hōre dat fchalt||u weten
Dit hefft min fone vnde ick befeten
Dat fchalt||u vyl deger fchriuen.
[DVR,01]Id fchal alleyne
nicht by dy bliuē
Du fchalt yd allē
lūden fagen
De dy dar#vme
willen fragen
De mōghen prō=
uē in deffen redē
Wat mī fone vñ
yk hebbē geleden
Ok fchalt du des
namen weten
Sūte Ancelmus
frage fchal deffe
paffio heten
Hyr hefft de rede eynen ende.
God vnſz finen frede fende AMEN